



## WORD

<sup>1</sup>Mapalad ang taong hindi namumuhay ayon sa payo ng masasama, o sumusunod sa mali nilang halimbawa, at hindi nakikisama sa mga taong sa Diyos ay kumukutya. <sup>2</sup>Sa halip ay nagagalak siyang sumunod sa mga aral na mula sa Panginoon. At araw-gabi, ito'y kanyang binubulay-bulay. <sup>3</sup>Ang katulad niya'y isang punongkahoy na itinanim sa tabi ng sapa, na namumunga sa kapanahunan at ang dahon ay hindi nalalanta.

Salmo 1:1-3

## WHAT

*What does the Bible say?*

Ang Bibliya ang batayan o gabay sa pamumuhay na ayon sa kalooban ng Diyos. Sa pag-alam natin dito, sumasang-ayon tayo na mahalaga ang Salita ng Diyos. Ngunit madalas ay nakakaligtaan natin na ang Bibliya ang pangunahing pinagmumulan ng lakas na kailangan natin upang mamuhay para sa Diyos. Papaano natin malulubos ang pagkuha ng lakas at kakayahan na nanggagaling sa Salita ng Diyos?

- **Basahin ang Salita Niya araw-araw.**

*<sup>1</sup>Mapalad ang taong hindi namumuhay ayon sa payo ng masasama, o sumusunod sa mali nilang halimbawa, at hindi nakikisama sa mga taong sa Diyos ay kumukutya. <sup>2</sup>Sa halip ay nagagalak siyang sumunod sa mga aral na mula sa Panginoon. At araw-gabi, ito'y kanyang binubulay-bulay.*

Salmo 1:1,2

Bago pa man nailimbag ang Bibliyang kilala natin ngayon, nagsimula ito sa unang limang libro sa Lumang Tipan at tinawag itong “tuntunin.” Sa paghikayat sa atin ng may-akda na tayo'y magalak sa mga aral, ang ibig niyang sabihin ay maging magalak tayo sa Salita ng Diyos. Anong kabutihan ang nadudulot ng pagiging magalak natin at pagbubulay-bulay natin sa Salita ng Diyos?

---

---

---

- **Alamin na ang Kanyang Salita ang nagpapalakas sa atin.**

*<sup>3</sup>Ang katulad niya'y isang punongkahoy na itinanim sa tabi ng sapa, na namumunga sa kapanahunan at ang dahon ay hindi nalalanta.*

Salmo 1:3

Napapalakas tayo ng ating pagkain araw-araw. Ganito rin ang nagagawa sa atin ng pagbabasa ng Bibliya. Napapalago ng Salita ng Diyos ang ating ugnayan sa Diyos at inihalintulad ito ng may-akda ng Salmo sa “isang punongkahoy na itinanim sa tabi ng sapa.” Kung mapapansin, ang paglago ay simula lamang ng maraming naidudulot ng pagbabasa ng Salita ng Diyos araw-araw. Ano pa ang nangyayari kapag nagbasa tayo ng Kanyang Salita araw-araw na nakasaad sa bersikulo 3?

---

---

---

- **Kilalanin si Jesus sa pagbabasa ng Salita ng Diyos.**

*<sup>39</sup>“Sinasaliksik n'yo ang Kasulatan sa pag-aakala na sa pamamagitan nito'y magkakaroon kayo ng buhay na walang hanggan. Ang Kasulatan mismo ang nagpapatotoo tungkol sa akin, <sup>40</sup>pero ayaw n'yong lumapit sa akin upang magkaroon ng buhay na walang hanggan.”*

Juan 5:39,40

Iba-iba ang dahilan ng mga tao sa pagbabasa ng Bibliya ngunit isa sa resulta nito ay ang pagkilala ng lubos kay Jesus. Sabi sa Juan 5:39 na ang Salita ng Diyos ay tumutukoy kay Jesus at kung papaano tayo nabibigyan ng buhay sa Kanya. Kaya gawin nating layunin ang makilala pa si Jesus sa pagbabasa natin ng Salita ng Diyos. Ano na ang natutunan mo tungkol kay Jesus sa pagbabasa mo ng Bibliya? Papaano ka natulungan nitong lumago sa iyong ugnayan sa Kanya?

---

---

---